

INUIT ATAQATIGIIT INATSISARTUNI



08-03-2023

Inatsisartut Suleriaasianni § 37 naapertorlugu Naalakkersuisunut apeqqt
imaattoq matumuuna saqqummiuppara.

Naalakkersuisunut apeqquteqaat:

- 1. Naalakkersuisut pilersaaruteqarpat silap piniarfiusinnaannginnera tunngavingalugu aalisartunut piniartunullu aningaasaateqarfimmik pilersitsinissamik?**
- 2. Naalakkersuisut pilersaaruteqarpat aalisartut piniartullu isumaginninnerup avataatigut ajornartoornerup kiguneranik ikiorsertariaqalersimasunut ikiorsiisarfimmik pilersitsinissamik?**

(Inatsisartunut Ilaasortaq Adam Kristensen, Inuit Ataqatigiit)

Tunngavilersuut:

Ukiuni qulikkaani pinngortitarsuup nukissuani akiorneqarsinnaanngitsut takutittarpai pingaartumik sinerissaq qanittuani aalisartunut piniartunullu, silaannaap allanngoriartornerata nassatarisaanik pinngortitarsuup inuuffigisatta inuutissarsiorfigisattalu peqarneeqaluni aqqusaaraangatigut inuutissarsiornerput ingerlassinnaajunnaartarparput ilaatigut ikiorserneqarnissamik pisariaqartitsilersarluta.

Ukioq kigulleq aalisartut piniartullu nalaataat aamma ukiuni siusinnerusuni nalaattarnikuuagut taamatut nalaataqartarneq nukimmik misigissutsinillu annertoorujussuarnik atuiffiusarpoq inuussutissaarunneq akilingassatigut kiguaattoorneq allarpassuillu inuuniarnermut attuisut nalaanneqartarput, neriuppunga uuma apeqquteqaatip kigunerissangaa aalisartut piniartullu ajornartoornermi ikiorserneqarnissamik periarfissaqalernissaat.